

ურთიერთთანამშრომლობის მემორანდუმი

არასამეწარმეო (არაკომერციული) იურიდიულ პირს – „სასწავლო-კვლევით სამეცნიერო ცენტრს“ და საჯარო სამართლის იურიდიულ პირს - სამცხე-ჯავახეთის სახელმწიფო უნივერსიტეტს შორის

ერთის მხრივ, არასამეწარმეო (არაკომერციული) იურიდიული პირი – „სასწავლო კვლევითი სამეცნიერო ცენტრი“ (შემდგომში „ცენტრი“) წარმოდგენილი დირექტორის, თამაზ მარსაგიშვილის სახით და მეორეს მხრივ, საჯარო სამართლის იურიდიული პირი - სამცხე-ჯავახეთის სახელმწიფო უნივერსიტეტი, წარმოდგენილი რექტორის, ასოცირებული პროფესორის მაკა ბერიძის სახით, ერთობლივად წოდებულნი, როგორც „მხარეები“, სარგებლობენ რა ურთიერთგაგებისა და პატივისცემის პრინციპით, გამოხატავენ ურთიერთთანამშრომლობის სურვილს და საქართველოს მოქმედი კანონმდებლობის შესაბამისად, თანხმდებიან შემდეგზე:

მუხლი 1. შეთანხმების მიზანი

1. მხარეებს შორის სამეცნიერო კვლევითი პროგრამების განვითარების სფეროში თანამშრომლობის გაღრმავება;
2. სტუდენტების კვლევითი უნარების განვითარებისა და ტექნოლოგიების წარმოებაში დანერგვის ხელშეწყობა;
3. სხვადასხვა სამეცნიერო-კვლევითი პროექტების ერთობლივად განხორციელება.

მუხლი 2. ერთობლივი პროგრამები

- 2.1. მხარეები ითანამშრომლებენ სტუდენტების და მკვლევარების მომზადების, ერთობლივი პროგრამებისა და პროექტების შემუშავებასა და განხორციელებაში (ინფორმაციის გაცვლა, მეთოდური დახმარება, ექსპერტული კონსულტაციები, კვლევების ორგანიზება, კვლევითი ინფრასტრუქტურით დახმარება და ა.შ.);
- 2.2. თითოეული მხარე გამოყოფს სათანადო დონის გამოცდილების მქონე ექსპერტებს, რათა თანამშრომლობა განახორციელდეს ეფექტიანად.
- 2.3. აღნიშნული თანამშრომლობის კონკრეტული პირობები განისაზღვრება ცენტრთან გაფორმებული ცალკე შეთანხმებით (მათ შორის დოქტორანტებთან, მკვლევარებთან და ექსპერტებთან).
- 2.4. თითოეული მხარე აღიარებს, რომ ყველა ნაბიჯი, რომელსაც მხარეები გადადგამენ წინამდებარე შეთანხმების ფარგლებში, დაემყარება კეთილსინდისიერების პრინციპს. 2.5.

თითოეული მხარის მნიშვნელოვან მატერიალურ-ტექნიკურ რესურსებს თანამშრომლები და პროექტებში ჩართული სტუდენტები გამოიყენებენ უსასყიდლოდ.

მუხლი 3. პროგრამების განხორციელება

მემორანდუმით გათვალისწინებული ერთობლივი ღონისძიებების, აგრეთვე ცალკეული აქტივობების განხორციელებასთან დაკავშირებული საკითხები, უნდა გადაწყდეს მხარეთა შორის მოლაპარაკების და შეთანხმების გზით, საქართველოს კანონმდებლობის შესაბამისად.

მუხლი 4. სხვადასხვა დებულებები

- 4.1. დაუშვებელია მოცემული მემორანდუმის რომელიმე დებულების შეცვლა, მოდიფიცირება, უარყოფა, გაუქმება ან შეწყვეტა მხარეთა წერილობითი თანხმობის გარეშე.
- 4.2. თუ დროის ნებისმიერ მონაკვეთში ამ მემორანდუმის რომელიმე დებულება მიიჩნევა ძალადაკარგულად, ეს გავლენას არ იქონიებს მემორანდუმის, როგორც მთლიანი დოკუმენტის იურიდიულ ძალასა და კანონიერებაზე.
- 4.3. წინამდებარე მემორანდუმი შედგენილია თანაბარი იურიდიული ძალის მქონე ორ ეგზემპლარად, ქართულ ენაზე.
- 4.4. მემორანდუმი ძალაში შედის მხარეების მიერ ხელმოწერის მომენტიდან და მოქმედებს ათი წლის ვადით. მხარეებს შეუძლიათ, ურთიერთშეთანხმებით, გააგრძელონ მემორანდუმის მოქმედების ვადა.
- 4.5. მემორანდუმის მოქმედება შეიძლება შეწყდეს ნებისმიერ დროს. მემორანდუმის შეწყვეტის ინიციატორი მხარე მემორანდუმის ვადის გასვლამდე 6 თვით ადრე წერილობით ატყობინებს მეორე მხარეს მემორანდუმის შეწყვეტის თაობაზე.

ა(ა)იპ „სასწავლო კვლევითი
სამეცნიერო ცენტრი
საიდენტიფიკაციო ნომერი 405276080
მისამართი: მინდელის ქ.,
0186, თბილისი

დირექტორი თ. მარსაგიშვილი
ამბ.: 595190172

E-mail: tamaz.marsagishvili@gmail.com

სსიპ სამცხე-ჯავახეთის სახელმწიფო
უნივერსიტეტი

საიდენტიფიკაციო ნომერი 424066977

მისამართი: ქ. ახალციხე, რუსთაველის ქ. N113

რექტორი, ასოცირებული პროფესორი მ. ბერიძე



24.09.2019